



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XIX. D. Augustinus perpertuus hæreticorum malleus.

urn:nbn:de:hbz:466:1-42857

ret, duos scripsit Commentarios, vnum De gratia & libero arbitrio, alterum verò De correptione & gratiâ. Adiecitque duas Epistolas ad Valentium, & monachos Aduermetinos hoc errore imbutos.

CAPVT XIX.

D. Augustinus perpetuus hæreticorum malleus.

Cur D. Augustinus hæreticorum malleus.

QVAMOBREM meritò ab Ecclesiâ *perpetuus hæreticorum malleus* est vocatus. Vt namque malleo enses, hastæ, lanceæ, scuta, bombardæ, aliaque id genus arma bellica præparantur; ita præstantissimi huius Doctoris scientia vice mallei fuit Ecclesiæ, quo cusa sunt velut instrumenta bellica librorum, in eiusce contra sectarios defensionem. Ac quoniam diuersissimæ surgunt hæreses, etiam varia sunt armorum ipsius, id est, scriptorum optimorum genera, quibus armamentarium Ecclesiæ ad quævis belli tempora copiose est instructum. Aut forsitan dictus est malleus, quòd in bello soleat vsus esse malleorum, in eos qui veniunt duplicibus armis contexti: siquidem ingens vis est malleorum, nam & ferrum quassant atque contundunt, galeas diffringunt, cerebrum excutiunt; estque eorum armatura, qui fortes atque lacertosi cum

cum aduersario proxime congregiuntur. Talis hic noster fuit, qui inimicos Christi in omnibus scriptis, quæ ab initio conuerſionis exarauit, non tantum læſit eminùs, tamquam miſſilibus quibuſdam agendo, quod fecere ſcriptores aliquot, verùm etiam cominùs, atque adeò in publicis congreſſibus, Orthodoxâ ſpectante Eccleſiâ, veritatis deſertores ſolo ſtrauit. Hanc ob cauſſam ad huius inuicti Ducis noſtri pedes abiiciuntur hæretici aliquot, vel eorum præciſa capita, qui nondum inchoatâ diſputatione, ſe victos ab Auguſtino fateri debuerent. Obſeruarunt quidam penitiùs in hymno iſto, quem cum Ambroſio cecinit baptizatus, ſingulis verſibus ſingulas hæreſes iugulaſſe reconditâ ſuâ quam à Deo receperat rectiſſimâque doctrinâ. Eamdem cum Deus vellet euidentiori ſigno mortalibus innotescere, veluti ſcribit D. Proſper, columnam ardentem ex cælo ſuſpenderit; eâ designans ſoliditatem quâ fulcit Catholicam Eccleſiam, & ardorem quo eam protegit, hoſtiumque inanes ratiunculas, velut ſtipulas ignis abſumit. Sic & Rupertus Auguſtinum dicit eſſe columnam nubis, in quâ thronum ſuum poſuit Sapientia Dei.

*In imagi-
nibus ad
pedes dñi
Auguſtini
abiiciuntur
hæretici a-
liquot, vel
præciſa eo-
rum capita.*

*In Chron.
Valentin.
& Neoth.
Coll.
Lib. 7. De
Spiritu ſan.
cap. 19.*